

欽
定
鳥
譜

欽定鳥譜第十一冊

老皂鵬

老皂鵬

太宗文皇帝時物養畜內苑已八十餘年前此又不
知幾何年大約百歲以外矣身大于諸皂鵬
鬣根皮甚厚頭頂毛禿間有茸毛背毛皆傑

起翅翮甚大爪長一寸餘紋轉如藤其左足
已脫一爪目光炬爍雄氣尚盛真壽鳥也康

熙六十一年謹錄

皂鵬

皂鵬黑睛黃白暈黑勾喙翬根土黃色通身
毛皂黑色青黃足黑爪脰有黑毛身高二尺
長幾四尺昂頭高三尺餘展翅廣幾四尺鵬
之大者也

急就篇云鵬大鷲鳥也一名鷲漢書注云鵬

一名鷺其翮可用為箭羽蓋鷺隼六翮乘風
輕勁故堪以為箭埤雅云鷺似鷹而大黑色
俗呼皂鷺其飛上薄雲漢昔之相鷺者以為
鷺首欲長而額狹頂平領大項後毛磔生勁
疾目睛大滿臉長眸子小而近前主明慧爪
近肉麤圓其末纖細主多力蹠平潤主巧捷

鼻大主長飛不乏膝大如簇藜實者上相骨
小無圭角者下也指節大肉少分成十字上
相骨節細平者下也純金色青潤者上相淺
黑者下也叢林色靜白者上相黑膩者下也
封厚而管粗者上相細薄者下也背偃而溝
深者上相隆起者下也臆圓趺為上相側狹

為下相尾狹厚為上相濶軟為下相爾雅翼
云鵬者鶚之類健飛擊沙漠中空中盤旋無
細不覩亦食獐鹿之屬本草集解云鵬似鷹
而大鵠鵬即鷲也出北地能搏鴻鵠獐鹿犬
豕

狗頭鵬

狗頭鵬黑睛紅白重暈青黑勾喙目上黑毛
如眉鬣上下細黑毛茸生白頂白頰頰有蒼
黑斑點赭白項頷腹俱淺赭黃色背膊黑毛
中白紋上細末粗如垂珠懸露青黑翅翮赭
黑尾俱有白莖縹青足黑爪脰有赭白毛其

身與皂鵬相等

白鵑

白鵑黑睛縹白暈黃臉黑勾喙觜根黃黑色
黑頰通身白質帶暗黑斑點黃足黑爪脰有
白毛鵑類如皂鵑芝麻鵑狗頭鵑易得白者
間有之

唐書地理志代州雁門郡貢白鵑羽穆天子

傳云春山爰有白鶚青鵬食鹿豕本草集解
云青白鵬出遼東

虎斑鵑

虎斑鵑黑睛蒼暈黑勾喙齧根淺黃頭項背
膊黑赭色翮翅毛皆白根黑尖翅有橫紋如
虎斑淺蒼尾上半白色亦有橫斑頷腹俱黑
根毛帶白黃足黑爪

接白鵬

接白鵬黑睛赤黑暈黑勾喙翮根淺黃頭項
肩膊蒼赭色蒼黑背蒼赤翮翅尾皆深蒼帶
赭毛根接以白色頷腹至脰俱蒼黑濶毛近
尾處蒼白色黃足黑爪

接白鵑

接白鵑黑睛蒼赤暈黑勾喙淺黃根頭項毛
深蒼赭色淺黑背膊淺黑翅尾毛根白色帶
花黑翮臆至脰皆粗黑毛黃足黑爪此二年
之鵑也故白根有花年久則花漸多老則為
虎斑鵑矣

芝麻鵯

芝麻鵯黑睛黃暈黑勾喙頂後有毛傑出頭
項至背蒼黃花色淺黑肩膊翅毛帶黑橫斑
根露白毛黑翻米白額腹尾上白下黑黃足
黑爪脰有黃白毛此種小于皂鵯

團鵬

團鵬黑睛赤暈青黑勾喙自鼻以上深黃色
蒼赤頭頸黑赭肩背膊上短毛赭土色翅毛
上節黃黑色土黃尖中兩翎有白橫斑黑翻
黑尾白尖腹至脰皆赭土色茸毛黃足青黑
爪

花白鵑

花白鵑黑睛蒼暈黑勾喙自鼻以上黃色頭
項蒼赭白三色相暈頤至臆腹蒼黑色背膊
翮翅俱黑膊下短翎蒼赭色間露白毛尾上
白下青黑色黃足黑爪

倒插鵬

倒插鵬黑睛黃暈黑勾喙頭項淺蒼色背膊
翅翮俱蒼黑翅上間有白點腹毛微白帶蒼
白尾黑花斑黃足黑爪

喀爾沁

喀爾沁黑睛赤黑暈黑勾喙赤黃根頭項背
膊蒼赤色黑翅尾蒼赭尖黑翮臆腹至脰俱
蒼赭毛黃足黑爪團鵬之小者也

白海青

一名海東青

白海青似鷹而大黑睛紅暈黃眶黑勾喙鬣
根黃兩頰及頷下蒼毛帶白頂項腹背通作
粉白色背色略帶蒼每毛中節有蒼尖斑相
對腹毛斑細背毛斑大下翅蒼黑色白尖白
尾間以蒼節淺黃足黑爪云自遼東海外來

故一名海東青擊物最捷俊于鷹鵠亦有黑者

異物記云登州海有鳥如鵠自高麗飛渡海岸名海東青擊物最捷善擒天鵝飛時旋風直上雲際亦謂之海青鳥明一統志云海東青爪白者尤異五國城東出

蘆花海青

蘆花海青黑睛黃眶淺黑勾喙黑頭頂細白
花紋背翅毛黑白質黑莖兩邊黑紋相對翮
尾黑紋粗大兩兩相比白腹蒼斑黃足黑爪

籠黃鷹

籠黃鷹黑睛黃暈黑臉黑勾喙紫根粉綠色
蒼頂蒼頰雜以白毛背膊翅翮俱青黑膊上
間有白毛青黑尾大黑斑白尖臆腹白質蒼
紋相次近尾純白黃白足黑爪

新黃鷹

新黃鷹黑睛黃暈黑勾喙頭項背翅尾俱淺
黑質帶土白邊暈翅尾有黑橫斑白頷臆腹
白帶黃毛末有蒼斑淺黃足黑爪

籠柏雄

籠柏雄黑睛黃暈黃臉黑勾喙白領頭項背
膊青蒼色黑邊鱗次翅尾有暗黑斑相比臆
腹淺白帶黑花紋淺黃足黑爪

籠鶯兒

籠鶯兒黑睛紅暈黃臉青黑勾喙頭項背翅
尾青蒼色項膊上間有白毛尾有暗白斑白
領淺赭臆土白腹黃足黑爪

風鷹

一名
角鷹

風鷹黃睛黑勾喙目下有翠青毛一片頂後
冠毛雙起自頂項至翅翮皆白質淺赭邊暈
頷腹純白色潤白尾有淺蒼橫紋相對粉綠
足黑爪亦曰角鷹其翎可為箭羽有蒼白二
種鵬屬也

酉陽雜俎云角鷹四月一日停放五月上旬
上籠本草釋名云鷹頂有毛角者曰角鷹杜
甫王兵馬使二角鷹詩云二鷹猛腦條徐陞
言腦上毛角猛出如條之陞也又姜楚公畫
角鷹歌云楚公畫鷹鷹戴角趙次公注云頂
有角毛勁起如鋒今人謂之角鷹畫譜宋徽

宗角鷹圖一軸故李東陽題林良角鷹詩云
我聞宋徽宗亦善貌此鷹

青鵪

一名題鵪一名青鶯

青鵪鷄屬似鷹而小雄者赤黑睛金紅眶勾喙
翬尖黃黑翬根金紅頭背翅尾俱青蒼色
黑斑相間頷下純白臆腹淺白皆帶黑花斑
腿根近尾毛深赭色金紅足玉色爪雌者背
尾純青黑色無斑頷下無白毛腹純青灰色

金匱要略卷之三
三
眼目之爪與雄相同特翮根有金紅道透聯
眼眶為異耳

集韻云題鵲鵲子鷄屬物類考云青鵲似鷄
而不善捕雀弄鷹鷂家不重之故畜養絕少
亦有紅翮足者文采可玩江南人以其頷翅
似燕亦呼青鷺或名青鷺

鷓鴣子一名鷓鴣

鷓鴣子黑睛黃暈目上白紋一道黑勾喙頭項背翅俱深蒼色膊毛帶青灰邊蒼翮蒼尾皆有黑橫斑尾尖白頷腹白質淺蒼橫斑黃足黑爪

爾雅鷓鴣負鵲注云鷓鴣也江東呼之為鷓善

捉雀禽經瞭曰鷁注云能遠視也瞭目明白
酉陽雜俎云鷁子兩翅各有複翎左名撩風
右名掠草帶兩翎出獵必多獲

籠鷄子

籠鷄子黑睛黃暈黃臉青黑勾喙黑頭項有
赤點青蒼膊翅間以赤邊青蒼翮尾黑橫斑
裏毛蒼白色臆腹白質微赭暈細紋鱗次深
黃足黑爪

花豹

花豹黑睛白暈黑勾鬣頂項土黃質蒼白斑
額下微白細蒼紋背膊蒼黃色雜黑白暈黑
黃翅翻白莖蒼赭尾黑斑節脰上蒼白細毛
短脰黃足趾黑爪鷗鷹類也性懶而才劣唯
知捕食蝦蟆或有已斃禽兔就啄而食鷹類

之最下者也

黃花豹

黃花豹黑睛黃暈黑勾喙淺黃根頭項赭黃
色帶蒼紋背膊淺黃淡黑相暈黑翅翮淺蒼
黃尾臆至脰俱淡赭黃毛深黃足黑爪

蝦蟆鷹

蝦蟆鷹黑睛黃暈黑黃勾喙蒼黑頭項深蒼
斑蒼黑背膊白暈蒼翅尾黑橫紋頷腹米白
蒼斑黃足黑爪土人云此亦鷹屬不能擒鳥
雀唯食蝦蟆其狀猥瑣與鷹不類更無有養
弄之者

鸚鵡

鸚鵡黑睛黑暈黃臉目旁有黑毛一片黑勾
喙翦根微黃青白頂項背膊翅翮俱蒼黑色
每毛尖皆有土黃暈腹毛蒼黃色蒼赭尾帶
黑斑青足黑爪

花頭鷓鷹

花頭鷓鷹黑睛黃白暈黑勾喙頰頷米黃色
頂項黃白質蒼赤斑頸至腹蒼赤質黃白紋
背膊翮尾蒼黑色黃暈蒼白足黑爪身比黃
鷓鷹差小

黃鷄鷹

鷄鷹似鷹黃睛黑勾喙聳膊脩翮頭項背膊
俱蒼黃色翅毛蒼黑腹尾毛土黃帶黑淺黃
足黑爪每布翅翱翔于空中不善搏擊惟捕
蟲田雞食之

禽經注云風禽鷺類越人謂之風伯飛翔則

天風不善搏擊貪于攫肉

鷓鴣

鷓鴣黑睛黃暈青白臉黑勾喙翮根粉青色
蒼白頂項黑頰深蒼背膊每毛皆有黑莖毛
尖俱白暈黑翮背翅深蒼帶黑白斑紋腹毛
白質蒼邊黑莖蒼赭尾帶黑斑粉青足黑爪

欽定鳥譜第十二冊

白超

白超黑睛黃暈黑勾喙頂有蒼赤毛頭項背
膊及尾俱青蒼色帶白暈黑翮白腹黃足黑
爪此鳥常迴翔空中有所見即飛下一掠而
去亦鷗鷹之類也

黑超

黑超黑睛黑黃暈黃臉黑勾喙鼻根黃黑色
頭項蒼赭色蒼黑背膊膊毛帶土黃白暈蒼
黑翮土黃腹背近尾有白毛一節蒼尾黑斑
白尾尖黃脰足黑爪

鶚鳥

鶚鳥黑睛深黃，暈黃白勾喙，蒼赤頭項，土黃斑兩頰，有細白毛茸出背膊，翮尾皆蒼赤質，間以大小白斑，頷腹微白，有淺蒼紋，淺白毛脚黑爪。此鳥形如猫兒頭，其兩目亦大，獨身小如鳩，日中無所覩，晝伏夜飛，即魯頌所云

飛鶚也

山海經白於之山其鳥多鶚注云鶚似鳩而青色陸璣詩疏云鶚大如鳩黃褐色惡聲之鳥也其肉甚美可為羹臠又可為炙漢供御物各隨其時唯鶚冬夏常施之以其美故也本草補義云鶚之小者名山鶚處處山林有

之狀如鵠而大頭猫目其名自呼盛午不見
物夜則飛行捕鼠而食周禮謂之大鳥又好
食素椹魯頌所云翩彼飛鵠食我素椹也其
肉甚美唯脇側薄弱不堪食故禮云不食鵠
胖或云人吞其目能夜半見物禽經鵠鴟害
母注云鵠在巢母哺之羽翼成啄母目翔去

庶物考云鶚之種甚多大小毛色不一有名
梟鶚者有名土梟者有名山鶚者有名雞鶚
者有名茅鶚者有名怪鶚者有名馴狐者有
名鵬鳥者有名鷗鷖者有名木鷗者有名夜
貓者或以形狀異名或以鄉土殊號其目之
眈然而大則相同也至于姑獲治鳥鬼車之

屬唯聞其聲罕有見其形者

狼鵲

狼鵲頭面如狸兩目甚大黑睛黃暈黑勾喙
頭有雙耳茸毛殺之耳上起蒼毛角矗如兔
耳兩頰土色細蒼斑短頸項蒼黑雜毛背膊
翅尾赭黃白三色相暈縱橫蒼黑斑雜以細
點臆毛赭黃質蒼大斑腹毛土黃質黑斑赭

紋土白毛脰足黑爪日中盲無所見聞響奔
撲蒙茸羽翮時噍其觜作合合聲夜則燭見
毫髮鵠類也

禽經云鵠以貪頽酉陽雜俎云鵠不飲泉及
井水惟遇雨濡翮方得水飲春秋繁露云鵠
泉目不視日而其羽可去昧

雲頭花豹

雲頭花豹黑睛黃暈黑勾喙目上有土白紋
鬣根有蒼灰茸毛頭項背翅尾俱赭土質黑
斑暈細黑點背上班色稍深腹毛大片聳起
土黃質黑斑淺蒼紋土白毛脰足黑爪其趾
前後各兩

庶類考云老鷗似鷹而大尾如舟舵續博物志
所謂視鷗制舵是也梵書謂之阿黎耶其目
甚大故淮南子曰鷗目大而睡不若鼠物固
有大不若小者

茅鴟

茅鴟黑睛黃暈黑勾喙喙根有茸白毛頂毛
白質蒼暈白頰白頷背翅臆腹俱白有淺蒼
斑兩兩相對白尾白毛脰足黑爪趾前後各
兩兩雅謂之茅鴟

爾雅狂茅鴟注云今鴟鴞也似鷹而白廣雅

云茅鴟鵂也

樹貓兒

樹貓兒黑睛深黃，暈日中不能見物。黑勾喙，蒼白頰，蒼斑頭，眼如貓眼，旁有耳，短項，蒼黑花紋，背膊翅尾俱蒼赤質，黑橫斑額腹及脰，毛蒼土色，黑爪。此鳥栖止樹林，故俗有樹貓之稱，即爾雅之土臬也。

夜貓兒

夜貓兒黑睛黃暈日中不能見物黑黃勾喙
灰白頰帶蒼紋頭眼如貓雙耳隱于毛中短
項頂至頷黑斑旋繞雜以赤白毛背膊蒼赤
質細蒼紋點大白斑翅尾蒼質每節有蒼白
斑暈臆腹蒼白相間淺蒼毛脰足黑爪此種

生長山中身有文采梟之一種也異物志謂之鵬

異物志云巴蜀記曰有鳥身如雞頭如貓不能遠飛行不出境體有文采土俗因形名之曰鵬即今夜貓鷹也

木兔

一名額尔
奔爪拉

木兔黑睛深黃暈頂有兩毛角如兔耳頰旁

白帶淺赭紋頂項碎蒼紋露赭白色背膊蒼

黑花紋淡赭暈間有白斑翮翅淡蒼赭色蒼

橫斑相次蒼斑尾赭白臆腹帶蒼斑紋毛脰

細黑爪

爾雅雀老鵠注云木兔也兔頭有角毛脚夜
飛彙雅云老兔一名翟蜀人呼為轂轆鷹楚
人呼為呼夸鷹吳人呼為夜食鷹

子規

一名子雋鳥一名鷦鷯
鳥一名杜鵑一名杜宇

子規鳥黑睛黑鬣頭頂黑質青紋頰旁白毛
一片背前毛青蒼色藍肩膊黑藍翅尾白翅
尖黑頷淺白腹黑足爪其鳴若曰不如歸去
福建名回回鳥

爾雅雋周䟽子雋鳥也出蜀中說文云子雋

今謂之子規是也漢書揚雄傳注鷦鷯鳥一名買銳一名子規一名杜鵑常以立夏鳴則衆芳皆歇鷽或作鷽禽經注鷽鷽周子規也啼必北嚮甌越間曰怨鳥夜啼達旦血漬草木鳴皆北嚮江介曰子規啼苦則倒懸于樹上呼曰謝豹蜀右曰杜宇望帝修道處西山

而隱化為杜鵑鳥或云化為杜宇鳥亦曰子

規鳥至春則啼聞者悽惻博物志鵲鵲

音決與鵲

同即杜鵑也本草綱目杜鵑出蜀中今南方

亦有之狀如雀而色慘黑惟食蟲蠹冬月則

歲蟄

松花

松花巨目黑睛黑觜黑頂目旁細白毛成點
環周頰頷項背臆腹俱黑棕色白點滿之黑
翅黑尾裏毛純白黑足爪性噪聲巨跳躍不
定北方鳥也

蜀黍雀

蜀黍雀黑睛白眶白頰蒼灰頭頂淺黑觜吻
根微黃白頷白臆白腹臆旁脅下皆蒼灰色
蒼褐背膊近翅灰白色蒼黑翅雜以土黃色
黃黑尾淺黑足爪此鳥秭熟時羣栖于秭田
間啄秭粒食之故名

麻葉雀

麻葉雀黑睛丹黃觜兩頰白毛花簇頭頸至
臆俱黑腹下黑毛中微露白質赤褐背翅翮
尾色稍深翅邊間以白緣近尾背毛亦白赤
黃足黑爪

搖臀雀

搖臀雀淺黑睛黑觜目旁灰白毛至眼後尖
出如眉頂項背膊茶褐色膊下白毛一節蒼
褐翅翅根毛黑白相間蒼褐尾額腹皆白質
黃紋當臆黑毛一片淺黃足白爪其尾不甚
長而時動搖故俗以此名之

梧桐

冬一名竊黃一名蠟翬

梧桐大如鸛鵒翬黃若蠟頭白目以上深黑
色目以下至背及腹皆深灰色黑翅尾牙紅
色足爾雅所謂冬鴈竊黃是也

本草綱目云鴈鳥處處山林有之其翬喙微
曲而厚壯光瑩或淺黃淺白或淺青淺黑或

淺元淺丹鴈類有九種皆以喙色別之其翫
凝黃如蠟者俗名蠟翫亦曰梧桐人家多畜
其雛教作戲舞

皂兒

夏一名竊元一名
夏鷹一名豹頭

皂兒大小與灰兒相等
鬣根微黃喙淺黑色
頭頰純黑背色黑黃
黑翅翅尖俱有白毛
黑尾尖有白點
胸慘灰色腹下帶黃米色
足爾雅所謂夏鷹竊元是也

灰兒

一名竊脂
一名素鴈

灰兒形小于梧桐。觜作淺白色。頭作褐色。頂毛灰色。黑黃背。淺白腹。翅尾黑色。膊及尾尖皆有白毛。粉紅足。爾雅所謂素鴈竊脂是也。本草綱目李時珍曰其觜淡白如脂故名竊脂竊淺色也。

仔仔黑

仔仔黑黑睛黑鬣黑頭白頰黑領蒼灰背蒼
黑翅尾臆腹微白帶赭黑足爪有紅黑二種
仔仔者言其小也或曰以其聲吱吱然

黃交鼯

一名虎皮
鈎交鼯

黃交鼯黑睛黃臉眼旁有黑紋如眉黑鈎喙
雄者下喙交出于左雌者下喙交出于右頭
頸至背黑綠質淺黑斑翅尾色稍深黃臆腹
帶淺蒼紋暈近尾背毛黃黑相間有如虎斑
故亦名虎皮鈎交鼯黑足爪

彙雅虎皮鉤交獸其獸扭別鉤交六安山中
有之人家間有畜之者

紅交翫

紅交翫黑睛黑翫頭項目旁有黑毛一彎背
腹殷紅色背有黑暈赤黑翅尾兩邊長中坳
青黑足勾喙下喙亦左右交常以翫鈎樹而
行

花交翫

花交翫黑睛赤黑暈淺黑翫喙尖亦左右交
淺紅頰目末至臆界以黑紋兩道淡紅頂淺
黑點淡紅項背近膊黑紋鱗次膊毛黑白相
間翅毛黑根白尖黑翮黑尾淡紅胸腹近足
尾處有蒼白毛蒼足黑爪

虎頭雀

虎頭雀黑黃睛黃黑短鬣頭項背膊蒼質黑
點蒼黑翅長尾其末中坳蒼赤相間黑邊頷
下淺赤有赭點米白腹黃足黑爪此鳥身小
而頭眼獨大故有虎頭之名

竹葉鳥

竹葉鳥黑睛赤黑暈黑翫吻根微紅目前後
淺黃毛尖出如眉頂項至背黑灰色近尾背
毛赭黃色蒼黑翅白邊黑尾白裏白領嬌黃
臆腹殷紅足爪出福建寧德縣山谷內

花斑鳥

花斑鳥黑睛黑長巨觔頭項兩頰皆白黑花
毛目上白毛一道頸旁黑毛稍稀臆左右有
大黑斑間以純白肩背及腹黑白相間成花
斑翮尾根白下黑毛末亦白近尾腹毛純白
黑足爪出福建閩安縣溪港處食魚蝦

鵝一名天鵝一名天子

愛國學堂

爾雅鵯注大如燕雀色似鶉好高飛作
聲今江東名之曰天鵯字書鵯俗呼告天鳥
其鳴如禽形醜善鳴聲高多韻潜確類書告
天子褐色如鶉而小海上叢草中多有之黎
明時遇天晴霽且飛且鳴直上雲端其聲連
綿不已一云叫天子

鐵脚

鐵脚黑睛赤暈黑眶米白頰尖出如眉青黑
翦土黃頭項黑點土黃背膊大黑點黑翅尾
土黃邊尾分兩歧裏毛米白米白臆腹米黃
足黑爪足細而勁後距甚長此鳥形狀與阿
蘭相似而不能鳴燕山冬月間飛輒千百成

羣羅者張網獲之充庖厨而已

彙雅鐵脚小鳥燕中充食品

國公鳥

國公鳥黑睛黃暈黑翫黃吻下翫鮮紅兩頰
有翠毛頭背頷臆淺黑色膊翅縹翠黑翮黑
尾間以翠青翠藍胸腹脰根毛翠色尤鮮黑
紅足黑爪出福建連江縣山中

信鳥

一名進鳥

信鳥黑睛赤黑暈白頂黑頸項黑背近尾背
毛白色膊上白毛一節淺黑翮翅白腹長尾
分二岐深黑色白尖米色足爪出福建閩安
鎮海邊食魚蝦草蟲

閩書云信鳥似鵲而小能為百禽聲忽鳴而

過簷間其占為有喜莆志云古謂使為信信
鳥者使鳥也客至則飛鳴為信又名進鳥

提壺鳥

提壺鳥黑睛淺黑翫頭頂蒼色間細毛蒼白
頰臆前及背翅俱蒼黑色略間白毛淺白腹
赭黃足黑爪